

01 IUNIE
RUGACIUNEA 2
SF.CUVIOS
AGAPIT DE LA PECERSKA

Молитва вторая

Преподобне отче Агапите! Воззри на нас милостивно и к земли приверженных возведи к высоте небесней. Ты – горе на небеси, мы – на земли низу, удалены от тебе не толико местом, елико грехами своими и беззаконии, но к тебе прибежем и взываем: настави нас ходити путем твоим, вразуми и руководствуй нас. Вся твоя святая жизнь бысть зеркалом всякия добродетели. Не престани, угодниче Божий, о нас вопити ко Господу. Испроси предстательством своим у Всемилоstitиваго Бога нашего мир Церкви Его, под знамением креста воинствующей, согласие в вере и единомудрие, суемудрия же и расколов истребление, утверждение во благих делах, больным исцеление, печальным утешение, обиженным заступление, бедствующим помощь. Не посрами нас, к тебе с верою притекающих. Все православнии христиане, твоими чудесы

исполнении и милостями
облагодетельствовании, исповедают тя быти
своего покровителя и заступника. Яви древняя
милости твоя, ихже отцем вспомоществовал еси,
не отрини и нас, чад их, стопами их к тебе
шествующих. Предстояще всечестней иконе
твоей, яко тебе живу сущу, припадаем и
молимся: приими моления наша и вознеси их на
жертвенник благоутробия Божия, да примем
тобою благодать и благовременную в нуждах
наших помощь. Укрепи нас, малодушных, и
утверди в вере, да несомненно уповаем
получити вся благая от благосердия Владыки
молитвами твоими. О, превеликий угодниче
Божий! Всем нам, с верою притекающим к тебе,
помози предстательством твоим ко Господу и
всех нас управи в мире и покаянии скончати
живот наш и преселитися со упованием в
блаженныя недра Авраамова, идеже ты
радостно ныне почиваеши, прославляя со всеми
святыми Бога, в Троице славимаго, Отца и Сына
и Святаго Духа, ныне и присно и во веки веков.
Аминь.